

Òlòsò

Paulo Tyyriti, Òlòsò Hãwã-ò

1 ¹ Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydỹydu seriòre-ò Òlòsò hãwã-ki. ² Wiðhedỹyña, ywina, Deuxu inytyby-ribi adeereny kanakemy watrixireri.

³ Jesuisi Kristu-ò àlàna rewahinyhyymahãre, tule Deuxu Inynyrỹ tyby-ò. Adeereny dori rexitòenyhyymahãre. ⁴ Kaiboho Jesuisi Kristu tetyhynmahãtenynte. Tule kowa ityhydỹydu mahãdu wiluurenre. ⁵ Rybewihikỹ inatyhyò juhuhu taholatenynte. Idi tahe araròsòna tetatenynte. Tai tahe biu-ribi kia ibutumy kanakre. ⁶ Iwese Rybewihikỹ bede bedelemy rariamyhỹre wese adeereny tule dehemynynde. Rybewihikỹ aõwihikỹ adireny riwahinyre. Iwese òwòru taraty riwahinyhyỹre wese, kaiboho inywitxira-ò aõwihikỹbo tewahinytenynte. ⁷ Epafa jiarỹ wiwana Deuxu deòdurenre. Kia iribi tadoholamahãte. Tii Kristu rybemy rybedu òbiti rare. ⁸ Tule wadee relyyre Deuxu Tyytybytyhyòraru-ki wiluuna-di ahãtenynte.

⁹ Kia inyboho roholarenre, adeereny rexitòenyhy watrixiwãhãrenre. Rexitòenymỹy Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydỹyña-di. ¹⁰ Deuxudeewihyymy kaiboho atximahãtenynte maratynyke wesemy aõwihikỹmybo. Biubỹtỹnymy boibeke Deuxumy bierybenytyhykre. ¹¹ Ibutumy ruruna-di boibeke Deuxu ruruna wityhy-di texihymy tadonymahãte ibutumy aõhòkỹmy bodotỹnykre deysana-di. ¹² Deuxu inytybyreny-ò àlàna biwahinybenyke. Tii iny riywidỹnyrenyra inyjura juramy ritakemy. Kia jura jura ityhydỹydu mahãdu hõrõ rare Deuxu loosònawo-ki ratximyhỹrenyke. ¹³ Tii bedeluru òlòna-ribi diwatade tahe diwadyde taRiòre luuna òlòna-ò. ¹⁴ Kristu heka iny ritare. Tii iny òrarunareny riòwynynte. Ibutumy òraruna riixãwidinare. ¹⁵ Jesuisi heka Deuxu lobixidỹyña rare. Deuxu tahe alobixina aõkõ rare. Ibutumy widỹyña-ribi tii juhuhu rãire. ¹⁶ Tii tahe ibutumy bededỹynana widỹydu. Ibutumy biu-ki bede-ki lobixina lobixiõna-wana riwinyre. Iòlòna wedu tyhydỹyña ruruna. Dinodu widỹyña. Ibutumy tii riwinyre ixidee. ¹⁷ Tii ibutu aõna aõna-ribi juhuhu rỹire. Ibutumy aõna aõna taruru rimireri tai. ¹⁸ Iwese umyriti umy wedu rare kia wese Jesuisi ityhydỹydu mahãdu riti rare.

Tii juhuna rare. Iwedu rare. Tii rubu-ribi ixixana juhuu ludu rare ibuturatyre dori Deuxu ris̄nyre juhuuludumy ratxikemy. ¹⁹Jesuisi-ki ibutu wiwihik̄y rarekemy. Kia tahe Deuxu dee wire. ²⁰Deuxu ywina diwahinyde Jesuisi h̄alubu-di itxèd-ki. Jesuisi h̄alubu xiery ibutumy Deuxu riwaaxid̄ȳnyre biu-ki bede-ki. ²¹Kaiboho Deuxu ery aōkō juhuu toite. Iòludu toite, arayky-ki aōbinahak̄y wid̄ȳ tadexinoh̄ōtinyntenye. ²²Jesuisi umy-di Deuxu arainytyhyd̄ȳnyre Jesuisi rurureki. Tai Deuxu tako-ò akanatamad̄ȳnykre taòbitid̄ȳnyteki aòraru lyrana-di, aòraru tuedena-di inyō umy ibinamy rarybeōtyhy. ²³Utile tyhyd̄ȳna-ki boibebenyhyke araròsòna-ribi ixihitxid̄ȳōmy. Araròsòna dori Rybewihik̄y-ribi nodu rare. Tii-ò tahe taholatenyta. Ibutumy iny biurawoludu-ò Rybewihik̄ylemy narybede. Iribi jiar̄y, Paulo, Rybe wihik̄my rybedu ròhònnyre.

²⁴Wijile reysamy watzireri adee aōhōk̄my rat̄ȳnyreriki, aō aōhōk̄my d̄ȳnanabo Kristu-ò rauhenyrene. Tai jiar̄y aōhōk̄my arot̄ȳnykre waumy-ki hyemy. Kristu-ò r̄yira mahādu dee kiamy rat̄ȳnyre, dòhòd̄ȳna mahādu dee. ²⁵Iribi jiar̄y Rybe wihik̄my rybedu ròhònnyre. Kiamy Deuxu dee wimy diwateònyde tarybemy rybedumy. ²⁶Tii ihetxiu rybe inatyhy ibutu lau rexiwore. Wiji tahe rexit̄ȳnyre ityhyd̄ȳdu mahādu dee. ²⁷Kia-ò Deuxu rexit̄ȳnykemy ratxireri iwese aōwihik̄y, taloosòna ratxireri, ibutu iny witxira dee. Kristu inywo-ki, kia tahe iny iraròsòna rare. ²⁸Kia Rybewihik̄my relymahārenyrene ibutumy iny-ki reeryd̄ȳnanyamahāre bederysyna-di. Kia wesele ibutumy ityhyd̄ȳdu mahādu òbiti Kristu-ò ariteòsinykre. ²⁹Kiaòle tahe rexirud̄ȳnyhyamahāre, Kristu rud̄ȳna waki r̄yimyh̄yrene.

2 ¹⁻²Warayky-ribi ijesu nihik̄my resumahāre awo umyreny rahòtieremahāre reysakemy Òlòsò h̄awā-ki. Laodisia mahādu tule wamy robiōmyh̄yrene mahādu tule wiluutyhyrenykeny kaiboho ibutumy Deuxu bedeerysynatyhy bierybenykeny adireny watzireri. Kristu-ki tahe bede erysynatyhy-di atxiteri idi watzireri. ³Kristuwo-ki ibutumy bedeeryd̄ȳna bede erysynatyhy ityhyna wesemy riyrubunymy r̄yire. ⁴Kawese rarybera inyō arāitxenanyōmyh̄ykeny rybe rayky-ribi ije-di. ⁵Waumy awanareny ratxiōreri, watytyby tahe awanareny ratxireri, riwadeysanyreri, aōwityhy òbiti-di riwaerynanyreri Kristu-ki aityhyd̄ȳna-di riwaerynanyre.

⁶Iwese Jesuisi Kristu heka Inynyr̄yhny tetyetynte wese. Tai tii-wana mabehybenyke. ⁷Iwese oworu irarutiō rimymyh̄yrene wese myike. Anaerynad̄ȳnymahāde wese maumynyke àlàd̄ȳnamy.

⁸Bexihārubenyke, inyō anaitxenad̄ȳnyke lau. Tarayky-ribi ije rybe-di lahirybe-di anaitxenanykeny ih̄yrene rybe uritere ije ije-di. Kia rybe iny aōmyd̄ȳnana-ki r̄yire bede tyytyby aōmyd̄ȳnana-ki. Kia Kristu aōmyd̄ȳnana aōkōhyemy r̄yirake. ⁹Kristu umy-ki tahe ibutumy Deuxu ixit̄ȳnd̄ȳna r̄yire. ¹⁰Tule Kristu-ki kaiboho tyhynamy toite, texihutenyete. Tii heka ibutumy h̄abu rurud̄ȳna ratyre rare, iòlòd̄ȳna ratyre rare. ¹¹Iwese uladunotyky riòròde wese Kristu aòraru urarina aribi diorode. Notyy resyna inatyhy aōkō rare. Kristu iwesenalemy riwinyre. ¹²Taratisebenytenyeteu, Kristu rubu wesemy

tewesenatenyete deledede. Tule beribi taddhònytenyete irubu-ribi ixixanamy tewesenanytenyete. Deuxu tyhydỹna-di rubu-ribi texixatenyete. ¹³Kaiboho àòaruna-ki tòimyhỹteu rubu wesemy notyynaresy aõkõ-di toimyhỹteu, adeereny runa Deuxu diwahinyde, àòarureny diixãwidinyde. ¹⁴Kristu iny òraruna widỹnareny-ribi tõhòti rosara. Kia tyyritina-di riixãwididỹnyre taitxè-ò rareu. ¹⁵Rurudỹna mahãdu ruru dinodu mahãdu ruru ritara, ibutumy iitxerenarenymy ibutu-ò riteòsinyre. Kristu taitxè-ki irurureny ritara.

¹⁶Kaiboho tahe uritere iny rybemy deòbyrenykomy roxina bemomo, ada ahãdu herinau ixenamy, ada sabado bededỹnanamy. ¹⁷Kaiboho dori aõ kanakre wesemy rare. Kristu tahe ibre tuu rare. Kia aõmydỹnana aõ aõkõ. ¹⁸Inyò adeereny rarybekeki: bexitxiõnyke ýju bitealãnykemy, rasina-ki ierysmy mohõtinkyemy. Tamy ijohonarenyõmy urile erydỹdumy rohõtinyra. Tii tahe Kristu rityhynyõhyymyhỹre. ¹⁹Inyummy wese inyboho ihỹreny. Kristu tahe umy ratiwesere. Umybutule-ribi ibutumy iukỹna wiwana reare. Ibutumy òhòna tusina-wana umy rabutumyhỹre. Deuxu umyna-di umy raumymyhỹre.

²⁰⁻²²Kai Kristu-wana taruta-wana bede aõmydỹnana-ribi, aõherekibo wiji bede aõmydỹnana-wana arumy ahãte. Aõherekibo bede ywina wixira wixira tetyhynymy ahãte: imyny wedeydỹòmy. Tamy ade rexioõmy, roxina urihixioõmy. Kia wese hãbu bede ywina tetyhynmahãtenyete. Kia aõmydỹdỹkeki, rexihuke. ²³Bede erydỹna wese ratxireri. Kia dori ixidee rexityhydỹnyre iyubu wesemy rawesenanyreri, taumy ixidee aõhòkỹmy rexisinyre. Ibutumy kia tahe riwiòhenanyõhyymyhỹre umy òraluna lau.

3 ¹Kaiboho Kristu-wana texixatenyteri wana, biu ludu aõmydỹnana-di mohõtinybenyke, tai Kristu Deuxu ruruna weribi rasỹnymy ronymyhỹreki. ²Biu ludu aõmydỹnana-di mohõtinybenyke, kabede ludu aõmydỹnana-di aõkõ. ³Rubu wesemy dori ahãtenyete, aumy tuedeõna runa Kristu-wana rare — Deuxu-ki riyrubunymy ratximyhỹre. ⁴Kristu rehemynyreu, tule tii-wana rakatxirenyke.

⁵Tai òhòti bitosanyke bede ludu aõmydỹnana aki rỹire: uri uri rỹira mahãduhemy ijara, òbitiõna, deòsana hemy nodu, iòbi retỹnyre òbiti-di aõkõ rare. Inyò rỹire-di òtena kia ritxoo àlàdỹna wese rare. ⁶Kia aõna aõna Deuxuwo binana rare, kia-ò Deuxu ykarana kanakre kia òrarudu mahãdu-ò. ⁷Kaiboho kia tewinytenyete àòrarunareny òrarudumy toiteu. ⁸Wiji tahe ibutumy kia aõmydỹnana aribi rexihukemy idi watxireri — wobinana, uõjomo, rybe ije ije. ⁹Iny wixira-ò ruiõmy, araybidinatyby dori aribi dexihude, iwidỹnabina-di. ¹⁰Araybidina tỹmyra-di tahe texiumydỹnyte tii arajjõnyre bedeersynahakỹ-di, Kristu raybidina wesemy araybidina rarekre òbitimy arajjõnykre. ¹¹Kowa-ki wii rikininirenyõkre: judeu mahãdumy, judeukõdu mahãdumy, notyky resydumy, bedeeryõ mahãdumy, txiebese wese mahãdumy, deòdu mahãdumy, deòdu aõkõ mahãdumy ibutumy Kristu dee wiwese weselemy rỹire. Kristule tahe ibutumy ihỹre inydeereny. Tii ibutu inywo-di ratximyhỹre.

¹²Kaiboho Deuxu ijese my anadymhyh̄de tahōrō luunana mahādukremy. Tai ruxetōena-di boibekre ixāwidina-di, inytyhyna-di, ywina-di. ¹³Wii riwiōhenanymy r̄yike. Wii riixāwidid̄ȳnymy r̄yike. Inyō adee aōmy rot̄ȳnykeki ixirawomy bijjeranyke. Iwese Inynyr̄y araixāwidinyre wese iny biixāwidinyke. ¹⁴Ibuturatyre wiluurenkyemy kiadile kaiboho wiwana ibutumy boibeke iweselemy mohotinybenkyemy. ¹⁵Kristu ywina heka umy-ki itxeredumy rarekre. Kristu hōrō mahādu sohojilemy mabeke. Tai tahe àlāna tamy biwahinybenkye. ¹⁶Kristu rybe-di awo-ki mabehyymy mabekre idi watxireri. Wii bierynad̄ȳnymy bitohonymahābenkyemy bede ersynā-di. Deuxu-ò àlāna biwahinymahāke wiurybe-di, wiu-di Deuxu Tytybytytyhy wina-di. Mawinyke àlāna-di aworeny-ribi. ¹⁷Ibutumy tuu marybekremy, ibutumy tuu bot̄ȳnykremy Wanyr̄ȳni-ò, tuu bot̄ȳnykre Jesuisi Kristuni-ò. Inytyby dee àlāna biwahinykre, Deuxu-ò wahe.

¹⁸Hāwyy! Kai ahābu bityhynyke, Deuxu ersydȳȳna-di. ¹⁹Hābu! Kai ahāwyy luuke, idi tudōrenyōmy. ²⁰Uladu! Borybe, adirybe-wana bityhynyke. Kia tahe Inynyr̄ydeewire. ²¹Uladuse, uladutyby! Kai ariōre ikyarad̄ȳȳmy, bede wona-di aōkō rat̄xikemy. ²²Deòdu mahādu! Kai kabede-ki awedurybe-di ibutumy bityhynyke aō idi retehererikile aōkō, awedudeewi sohojilemy aōkō, awo-ribi tyhy Inynyr̄ydeewimy tuu bot̄ȳnyke. ²³Aōbo bot̄ȳnymahāke ibutu Deuxudeewimy bot̄ȳnyke. Hābudeewimy aōkō. ²⁴Deuxu-ribi aōwydȳȳna kanakre. Kristu-ò dori taaōmys̄dȳȳnymahāte. Adeereny rahetoō riyrubunymy roimyh̄re. ²⁵Inyō tahe aōbina riwinymyh̄keki, ihewomy aōbinale ritake. Deuxu dori ibutu dee wiwese weselemy idi rot̄ȳnymahāre.

4 ¹Wedu mahādu, kai eòdureny dee òbitimy idi ahābenyke. Kai tahe tule awedu dire biu-ki. Kia nohōti losaōmy.

²Bexitōenyhyymahābenyke. Betehehybenyke. Bealāhyymahābenyke. ³Inydeereny kia bedexitōenykre. Deuxu rybe wihik̄y-ò iny dee hāwā wixira-ò kidiraynykre, Kristu inatyhynamy arelyyrenkyemy. Iòraru-ki womati reroti nihik̄y-di watxiwāhāre. ⁴Kia ritynynykremy idi watxiwāhāre. Waaōmys̄dȳȳna kiemy dori ih̄re. ⁵Biu ludu bedeerydȳȳna-di boibeke ityhyd̄ȳdukōdu mahāduy-ki. Aōwihik̄yrybe bexit̄nynykeki, turybelemy idi beake. ⁶Arybe aōwi weselemy biyrubunyke, iwese r̄ys̄ȳna juwyrā-wana raurinymyh̄rewi wesemy. Tai arawyōna ijōdikre t̄ȳȳraxina-ò.

⁷Txitxiò ibutumy waaōmydȳȳnana adeereny relyyke. Tii waityhyd̄ȳȳdu seriōre waluumy rare. Tii rybedu òbiti iny-wana ratxireri. ⁸Adeereny reteōnyreri waaōmydȳȳnanareny erydȳȳnāmy awo deysad̄ȳȳmy. ⁹Onesimo heka tii-wana ariteōnykre. Tii tule òbiti ityhyd̄ȳȳdu seriōre ratxireri. Ahāwāreny yluduō rare. Tiiboho kedelyydenykre ibutumy timybo wāhāremy.

¹⁰Aristarku wawana rōtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedeheymykyeki, bidiwiōhenanyke. ¹¹Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaōmys̄dȳȳreri Deuxu òlōna òraru-ki.



(Òlòsò-ò 4.13)

Tiiboho riwawiòhenanyhyymyhÿrenyre. ¹²Epafa tule aeryrenyõ rare tarybe adeereny diõde. Tii adeereny rexitðenytyhyymyhÿre kaiboho Deuxudeewimy boibehyikemy. ¹³Jiarÿ reeryre tii adeereny tðemy ratximyhÿre, tule Laodisia mahãdu dee tule Ieryopoli mahãdu dee. ¹⁴Luka, tarybe diwahinyde. Tii ityhydÿÿ òhotibedu rare. Dema tule tarybe diõde. ¹⁵Warybe wehityhyna biõke Laodisia ityhydÿÿdu seriõre. Ninfa-ò tule wehityhyna biwahinyke dohodÿÿna mahãdu taheto-ki rÿireriwana. ¹⁶Watyryiti-di dohodÿÿnaheto-ki rariakreu, idi tule Laodisia mahãdu-ò biõkre tako-ò rariakemy. Tule watyryiti kowa-ò rewahinyre, wimyke amahãduko-ò rariarenykemy. ¹⁷Arikipu-ò warybemy marybeke. Tii aõmysÿdÿÿnaõ ritare Deuxu-ribi. Kia-di tii ratxihyikemyidi watzireri.

¹⁸Kia tyyriti wadebò ritidÿÿna tyhy rare. Womati reroti-di rataataamy nadoimyhÿderibi òhõtireny lusarenÿõmy. Deuxu wohyna adee kanakemy idi watziwãhare. Paulo.